

Headline	TNB diiktiraf atas komitmen tinggi keselamatan negara		
MediaTitle	Kosmo	Language	Malay
Date	22 Jan 2024	Readership	467,988
Circulation	155,996	Page No	6
Section	Negara	Journalist	RASDAN AHMAD
ArticleSize	282 cm <sup>2</sup>		
PR Value	RM 22,039		



# • TNB diiktiraf atas komitmen tinggi keselamatan negara

Oleh RASDAN AHMAD

**PETALING JAYA** – Pusat Kawalan Muatan Kuasa Nasional (NLDC), Tenaga Nasional Berhad (TNB) membuktikan dedikasi kukuh terhadap keselamatan negara dan peralihan tenaga dengan meraih anugerah tertinggi baru-baru ini.

Pengiktirafan itu diberikan dalam Anugerah Penarafan Bintang Sasaran Penting (APBSP) 2023 oleh Pejabat Ketua Pegawai Keselamatan Kerajaan (CGSO) di bawah Jabatan Perdana Menteri (JPM).

TNB melalui satu kenyataan berkata, pengiktirafan anugerah tertinggi lima bintang kepada NLDC itu memperlihatkan kepakaran TNB dalam memastikan operasi pembekalan elektrik yang cekap disamping kawalan keselamatan yang tinggi dan cemerlang bagi memastikan aset kritikal negara kekal selamat.

“Sebanyak 28 syarikat tersebut menerima pengiktirafan dalam lima kategori semasa APBSP 2023 atas pengurusan kawalan keselamatan dan perlindungan yang tinggi dan cekap bagi instalasi-instalasi kritikal negara.

“Stesen Janakuasa Sultan Azlan Shah di Bersia, Perak dan substesen utama TNB di Bukit Tambun, Pulau Pinang dan Chuping, Perlis masing-masing turut



**KETUA Grid System Operator TNB, Ir. Shanmugam Thoppalan menerima anugerah daripada Saifuddin di Bangsar baru-baru ini.**

diiktiraf lima dan empat bintang dalam anugerah yang sama,” kata kenyataan tersebut.

Anugerah tersebut disampaikan Menteri Dalam Negeri, Datuk Seri Saifuddin Nasution Ismail di Pusat Konvensyen Leo Moggie, TNB Platinum di Bangsar.

Presiden dan ketua pegawai eksekutif TNB, Datuk Seri Ir. Baharin Din berkata, anugerah tersebut telah menterjemahkan komitmen berterusan TNB dalam menjaga aset kritikal negara dan usaha gigih melaksanakan Peralihan Tenaga yang ber-

tanggungjawab.

“Selari dengan aspirasi TNB dalam menyokong agenda kelestarian dan mencapai Sifar Bersih menjelang 2050, penekanan digitalisasi dan automasi secara signifikan meningkatkan kualiti perkhidmatan keselamatan.

“Kami sentiasa memantau keselamatan aset utama di seluruh negara dengan memberi keutamaan kepada keupayaan pencegahan, pengurusan insiden, dan menangani risiko keselamatan yang semakin berkembang,” katanya.